

შინაური საქმეები

უოცველკვირული გაზეთი

№ 11.

კვირა, ივნისი 22, 1908 წ.

ფასა წლიურათ — 4 მან.

ნახევარი წლით — 3 მან.

ცალკე ნომერი ღირს 8 კაპეცკო.

ადრესი: ქუთაისი „შინაური საქმეების“ რედაქცია.

შინაური: ქრისტე ღმერთი და ივ. გომართელის იკიბოქია—სანმანინისა; პროფესორ მაქს მიულერის აზრი მატერიალიზმზე—ბოსლეველისა; ახლო-მახლო (გაგრძელება)—კირილე წუთისოფელისა; რწმენა (ლექსი)—ლადი გაგუასი; დაბადების მოთხრობა (გაგრძელება)—ტონკელისა; აღზრდითი უფლება და საზღვდელი კანდიდატების კრიზისი იმერეთის ეპარქიაში—უკიდურესისა.

უოცველ კვირულ გაზეთ

„შინაურ საქმეებზე“

ხელის მოწერა მიიღება რედაქციაში ქ. ქუთაისში (საბურთალო—კახაკოვის—შესახვევში № 17) და საეპარქიო საბჭოში—წლიური ფასი 4 მან. ნახ. წლით 3 მ. ცალკე ნომერი ღირს 8 კ. აპრილიდან იანვრამდის 3 მანეთი. გაზეთი ღებულობს დასაბეჭდად ყოველგვარ განცხადებას.

შეცდომის განხორცება.

„შინაური საქმეების“ მე-10 №-ში შეცდომით იყო დაბეჭდილი „ახლო-მახლო“-ს ავტორის გვარი ტონკელი, უნდა იყოს—კირილე წუთისოფელი.

ქრისტე ღმერთი და ივ. გომართელის იკიბოქია.

ნუ გაგვიწყრება ბ. გომართელი, რომ ამ ახალ მეცნიერების მარგალიტსაც მის იკიბოქიად სახელდებობ. ჩვენ დიდი ხანია ვიცით, რომ ბ. გომართელს თავისი არ ფერი აქვს, რომ იგი დასაფლეთადგან გადმოყრილ ნაჯვს ქექს, რომ იგი კი არ მეცნიერობს, პრაპაგანდას ეწევა, აი სწორედ ისე, როგორც „პრიოგოტოვიტელ“ კლასების კურსოვნეები ეწეოდნენ ამას წინათ სანდონების პრაპაგანდას და

არახუნებდენ ერთ და იმავე დაზვიერებულ ფრაზებს, რომლის შინაარსი მათ მასწავლებლებსაც ხშირად ხეირიანად არ ესმოდათ.

მთვარე ხომ თავის თავად ბნელი ციგია, როგორც გვარწმუნებს მეცნიერება, მაგრამ მიუხედავად ამისა, ვამბობთ მთვარე ანათებსო, თუმცა ეს სინათლე, მას კიარა, მზეს ეკუთვნის. გომართელიც მთვარეა, რომელიც გვიანათებს სხვა და სხვა მეცნიერთა (უფრო უმეცართა) შუქით და არახუნებს ათასჯერ ნაჯიჯგნნათრევე ფრაზებს, რომლებიც, უნდა შევნიშნოთ, გადასულ საუკუნოების მეცნიერებს ეკუთვნიან და რომლებიც მათთან ერთად მიებარენ არხივს. ხოლო ბ. გომართელს ხლეახლა გამოაქვს იგინი მზეზე და უნდა მეცნიერების უკანასკნელ სიტყვად გაასალოს, აი სწორედ ისე, როგორც მეფართლე თავის მოდა გასულ და დამჩიულ ფართალს წამოსდებს ხოლმე წინ და, რაც ძალი და ღონე აქვს, აწონებს მყიდველს. ამ აზრით ვამისებთ ბ. გომართელს იმას, რაც ნამდვილად მისი არ არის და არც შეიძლება იყოს.

ამ წერილში ჩვენ ვეხებებით გომართელის იკიბოქიას იმის შესახებ, თუ „როგორ გააჩინა კაცმა ღმერთი? (იხ. „ჩვენი კვალი“ № 1). სათაურადგანვე სჩანს, რა ჯურის მეცნიერთან გვაქვს საქმე. აქნამდის ყველა გაიძახოდა ღმერთმა გააჩინა კაციო და ესლა გამოდის ი. გომართელი და გვეუბნება

ქრისტე ღმერთი და ივ. გომართელის იკიბოქია



თით. მოდი და ნუ დაუძახებ მეცნიერს იმ კაცს რომელსაც ასეთი ახალი ამბავი მოაქვს. დაუგდოთ მაინც ყური, თუ როგორ გააჩინა ადამიანმა ღმერთი?"

რადგანაც „არავითარი ხორციელი არ ისახება და არ იბადება ისე, თუ დედლის კვერცხს მამლის სპერმატოზოიდი არ შეუერთდა“, ამიტომ არ შეიძლება იესო ქრისტეს უთესლოდ, უმამაკაოდ განხორციელება, ამიტომ სარწმუნოდ უნდა მივიღოთ ერთ მრავალ სახარებათაგან მოთხრობა, რომლიდანაც სჩანს, რომ იესო იყო უკანონო შვილი რომელიც კაპიტნის იოსებ პანდერასიო, რასაც ნათელს-ჰუენს (!) მათეს სახარებაცო. ამნაირად კაპიტანმა იოსებ პანდერამ გაუჩინა გომართელს ღმერთი... აზრების არე-დარევა და პარტიის ცნობილ ქეშმარიტების წინააღმდეგობა ძირითადი თვისებაა იმ პატიოსანი გვამის, რომელსაც უნდა ფენთხი გავად გაასაღოს, ან მუხას ვაშლი გამოაბას. გომართელს როგორც მატერიალისტს ნება არა აქვს ილაპარაკოს უთესლოდ განხორციელების წინააღმდეგ: იგი თუ შემდგომითი მატერიალისტია, უნდა იცოდეს და აღიარებდეს, რომ უთესლოდ, უსპერმატოზოიდოდ განხორციელება შესაძლებელია ეს ძირითადი საფუძველია მატერიალისტების მოძღვრებისა. უამისოდ მთლად ირღვევა ის ბაბილონის გოდოლი, რომელსაც მატერიალიზმი ჰქვია. თვით ბ. გომართელი სასტიკად იცავს ამ აზრს თავის ქვეყნის გაჩენის იკიბოკიაში (იხ. „შინ. საქ.“ № 1). იგი ამბობს, რომ ადამიანი და ცხოველები განვითარდნენ ცილეულისაგან, რომელიც იყო შედეგი წყლისგან გამოწვეულ სხვა და სხვა ქიმიურ ცვლილებებისა. აქედან ადვილი წარმოსადგენია, რომ პირველყოფილ მატერიში არავითარი კვერცხი, ან თესლი, სპერმატოზოიდი მამაკაცისა, გინა გიპპოპოტამისა არ ყოფილა. მაშ საიდან მოხდა რომ უამსპერმატოზოიდოდ განვითარდა ამოდენა სხვა და სხვა გვარი ცხოველები, ან უკეთ ვსთქვათ პირველი მათი დედამა, თუ არ თვით ჩასახვის, თვით წარმოშობის კანონით, რომელსაც ასე ცხარედ იცავდნენ მეცხრამეტე საუკუნის მატერიალისტები და დღესაც იცა-

ვენ თანამედროვე მატერიალისტები და მათთან ერთად გომართელიც, როცა დაჭირდება, როგორც მაგ. ზემო მოყვანილ ქვეყნის გაჩენის იკიბოკიაში. ჩვენ, რა თქმა უნდა, არ გვწამს არავითარი თვით ჩასახვის და თვით წარმოშობის თეორიები და სრული თანახმა ვართ ბ. გომართლისა რომ „არაფრისაგან არაფერი არ იქნება“ (იხ. „ჩვ. კვალი“ № 1) მხოლოდ იმ განსხვავებით, რომ ჩვენ არაფერთან ღმერთი გვეყავს, ღმერთი ყოველად შემძლებელი, რომლისაგან „არა შეუძლებელ არს ყოველი სიტყვა“.

ამნაირად ბ. გომართელს, როგორც მატერიალისტს, არ შეუფერის თვით ჩასახვის, თვით განვითარების თეორიის უარყოფა; არც, ვგონებ, უარი ჰყოს; მხოლოდ ახლა დასჭირდა ქრისტეს გაკაცებისთვის, გაადამიანებისთვის.

ვინ იყო იესო ქრისტეს მამა, ე. ი. ვინ გაუჩინა გომართელს ღმერთი? 700 წლის წინეთ ქრისტეს დაბ.დებამდე წინაწარმეტყველი ისაია ამბობს „ხოლო თესლტომი მისი ვინმე მიუთხრასო“, თუმცა მან კარგად იცის: „აჰა ქალწული მიუდგეს და შკას ძეო“, ე. ი. იცის დედა და არ იცის მამა. დღესაც ქვეყანამ იცის ვინ იყო დედა და არავინ იცის ვინ იყო მამა იესოსი. ასახელებდნენ იოსებ მოხუცებულს, მაგრამ მისი გადაჭრილი უარი ამ საგანზე ენას ქრისტე ყოველ მიუდგომელ მკვლევარს; მათეს მოთხრობა მხსნელის განხორციელებაზე არაფერ ექვს აღარ ტოვებს იმის შესახებ, რომ იოსებ მოხუცებული არ იყო მამა იესოსი. ამას არ უარჰყოფს და კიდევ სარწმუნოდ ღებულობს ბ. გომართელი. მაშ ვინ იყო მამა იესოსი, ურომლისოდ განხორციელება მას არ შეეძლო, როგორც გვარწმუნებს გომართელი? იოსებ პანდერა, რომის კაპიტანი, კალაბრიის ჯარის უფროსი, რომელი ჯარიც იუდას ქვეყანაში იდგა. „პანდერამ შეაცდინა ურის ქალიშვილი ბეთლემელი მარიამი, რომელსაც ეყოლა ვაჟი იესო“. ამის საბუთი? ასე ამბობს ურია გეკელი. რა საბუთით ამბობს? „ერთ დაწვინებულ სახარებაში“ ამოუკითხავს. ნამდვილად კი გეკელზე უფრო ადრე სხვები

იმეორებდენ. სრული დარწმუნებული უნდა ვიყოთ, რომ ძველი უბრძოლველ ღონისძიებას ხმარობდნენ დამტკიცებისათ, რომ იესო უბრალო კაცი იყო და ამისთვის ბევრ ზღაპრებს თხზავდნენ, რომელთაგან პირველი მოყვანილი ზღაპარია; ახა რაღა მტერობაა, ის მტერობა, თუ არაფერი მოიგონე. როცა ნამდვილ საბუთს ვერ პოულობენ ქვეყნისთვის უარ საყოფად, ზღაპრებს თხზავენ, როგორც ამას შვრება თვით გომართელი, როცა აგვიწერს ი. ქრისტეს გარეგან შეხედულებას, მაგრამ ზღაპარი ხომ საბუთი არ არის. ხოლო „დარწმუნებულ სახარების“ მოყვანილი თქმულება რომ ზღაპარია ეს ცხადზე უცხადესია. მართლა და ვინ ნახა, რომ იოსებ პანდერამ შეაცდინა ვილაც მარიამი, და რომ ამ მარიამის შვილი გამოვიდა ის იესო, რომელმაც გარდაქმნა, გადაახალისა მთელი კაცობრიობა, ჩაუდგა ახალი სული და გული, მისცა უნარი ახალი ცხოვრებისა. ან რა ისტორიის ღირსად გახადა მან რომელიმე პანდერას გარყვნილება? განაკრთა იყო და არის ასეთი დაცემის მაგალითები, რომლებთა შორის ერთსაც არ მისცემია ადგილი მსოფლიო ისტორიაში? ვის რათ დასჭირდა ამის გამოაშკარავება? წინდაწინ ხომ არავინ იცოდა, რომ ამ კავშირიდგან ქვეყანაზე უმაგალითო საკვირველება — ადამიანი დაბადებოდა? მათეს მოთხრობა შესახებ მაცხოვრის განხორციელებისა, რომელიც გომართელს თავის ზღაპრის გასამართლებლად მოჰყავს, სრულიად აქარწყლებს მას და ერთ იოტის ოდენა ეჭვსაც არ გვითვებს, რომ იესო ქრისტეს ღვთაებრივი შთამომავლობა ჰქონდა და არა კაცობრივი. მოვიყვანოთ ეს ადგილი თელათ ისე, როგორც წერია სახარებაში. „ხოლო იესო ქრისტეს შობა ესრეთ იყო. რამეთუ თხოვილ იყო დედა მისი მარიამ იოსებისა. და ვიდრე შერთვამდე მათდა იპოვა იგი მიდგომილ სულისაგან წმიდისა. ხოლო იოსებ, — ქმარი მისი, მართალი იყო, და არა უნდა განმხილება მისი, იზრახა ფარულად განმტკეება ხილება მისი, იზრახა ფარულად განმტკეება მისი, და ვითარ იგი ამას განიზრახვიდა ოდენ, აჰა ანგელოზი უფლისა ჩვენებთ გამოუჩნდა მის და რქვა: იოსებ, ძეო დავითისაო! ნუ გე

შინინ მიყვანებად მარიამისა ცოლისა შენისა, რამეთუ რომელი იგი მისგან იშვეს, სულისაგან წმიდისა არს. შვეს ძე და უწოდოს სახელი მისი იესო; რამეთუ მან იხსნას ერი თვისი ცოდვათა მათთაგან... განიღვიძა იოსებ ძილისა მისგან და ჰყო ეგრეთ, ვითარცა უბრძანა მას ანგელოზმან უფლისამან და წარიყვანა ცოლი თვისი“ ჩვენ არ ვიმოწმებდით ამ თქმულებას, რომ ბ. გომართელს არ მოჰყავდეს იგი თავის ზღაპრის გასამართლებლად, ვითომ იესო იყო ნაყოფი მარიამის დაცემისაო. რას გვეუბნება ეს მოთხრობა? როცა იოსებმა შეამჩნია მარიამის მიდგომა და თითონ კი მასთან მართალი იყო, იფიქრა ცოლქმრული ერთგულება დაურღვევიაო და მოინდომა სჯულისაგან მებრ განტევა მისი, ფარულად, რომ არ გაელანძლა ცოდვილი, მაგრამ აღარ განუტევა, რადგან ჩვენებით ეუწყა, რომ იგი მიდგომილ იყო სულისაგან წმიდისა. რომ ეს უწყება ნამდვილი ფაქტი არ ყოფილიყო, რომ იოსები არ დაჯერებულიყო, რომ მარიამს არ დაურღვევია ერთგულება თავის სახელით ქმრისთვის, რომ იგი ისეთივე უბიწო იყო, ეჭვი არ არის იგი განუტევებდა საუკუნოდ, როგორც ამას შვრებიან დღევანდელი ებრაელები, და მით დაამტკიცებდა მარიამის დაცემის სინამდვილეს. მაგრამ იგი არ შვება ამას. რატომ? მიტომ რომ უთუოდ საიდგანლაც დარწმუნდა მის უბიწოებაში, დარწმუნდა ზეგანცხადებით. ჩქნებ ბ. გომართელმა იფიქროს, ეს ზეგანცხადება მოქორილიაო. მაშინ, ვკითხოთ მას, — რამ დააჯერა იოსები მარიამის უბიწოებაში? რათ არ განუტევა იგი, არამედ კიდევ წარიყვანა, როგორც მოწმობს მათე. ნუ დაივიწყებს ბ. გომართელი, რომ ებრაელების სჯულმა ასეთ შემთხვევებში შებრალეა არ იცის. სჯული ნებას აძლევს ებრაელს განუტეოს ცოლი, რომელიც არათუ დაეცემა, არამედ ცოტა ხნობითაც კი დარჩება ცალკე ოთახში უბირ მაკაცთან, გარდა ქმრისა. ამნაირად ორში ერთი უნდა მივიღოთ: ან იოსები დარწმუნებული იყო მარიამის უბიწოებაში ან უნდა განეტევა იგი. არ განუტევა, მამასადავმე დარწმუნდა, რომ მარიამიც მართალი იყო ისე,

როგორც თვით იყო მართალი. ასეთი რწმენა არ შეიძლება თავისთავად გაჩენოდა მას, რადგან მიღგომილი მარიამი თვალწინ უდგა; მასსადაც უნდა ვიფიქროთ, რომ ის ზეგანცხადება, რომელზედაც მოგვიტხრობს სახარება მართალია, ქეშმარიტა, უტყუარი ფაქტია და თუ ეს ასეა, თავისთავად ირღვევა ხელოვნურად შეთხზული ზღაპარი ქრისტეს კაცობრივ შობისა და ისიც კანონიერ ქორწინების გარეშე. მართალი იოსები ცოცხალი მოწამეა მარიამ ქაოწულის უბიწოებისა. სხვანაირი დასკვნა აქ შეუძლებელია და მივირს გომართელის ტყინის უჯრედებმა რათ იკადრეს ასეთი ყოვლად უმსგავსი და უბირი დასკვნის გამოცხვანა, ვითომ რადგან იოსებ მართალი არ იყო მამა იესოსი, უთუოდ კაბიტანი იოსებ პანდერა იქნებოდაო (ძველ რომში კაბიტნებიც ყოფილან!). მაგრამ უთუოდ არც ეს არის მსი, როგორც არც სხვა რამ, რომლებზედაც ბაასობს ბ. გომართელი. მთვარეს ხომ თავისსხვი არა აქვს, ბნელია და სინათლეს მზისაგან ღებულობს მოწყალებასავით...

სხვისი ნაწურჩულებია ისიც, რომ ვითომ იესო ქრისტეს მამის შესახებ ნამდვილი ცნობები დაკარგულიაო. თუ ასე არ იყოს მოიყვანდა რამე საბუთს, გარდა იმისა, რომ „მეოთხე საუკუნეში ერთმა ებისკოპოსმა უშესანიშნავესი წიგნთსაცავი დასწვა“! (უთუოდ იქ დამწვარა ცნობები ქრისტეს მამის შესახებ?) გეროსტრატმაც კი დასწვა დიანას ტაძარი, მაგრამ მიტომ ყველა ტაძრები კი არ დამწვარა. თუ ერთი წიგნთსაცავი დაიწვა, მეორე დარჩებოდა, რომელიც მისცემს გომართელს ცნობებს ი. ქრისტეს მამის შესახებ! მაგრამ ვკითხავთ ბ. გომართელს: რატომ ერთხელ მაინც არ მოიხსენა ი. ქრისტემ თავის მამის სახელი, თუ იგი ყავდა მას? წინააღმდეგ, თუ სახარებას დაუუჯერებთ (არ დაუუჯეროთ ჯანი არა გვაქვს, რადგან წინააღმდეგი საბუთი არ იპოვება) იესო ქრისტე თორმეტი წლისა იყო, როდესაც განუცხადა ღედას: „სახლსა მამისა ჩემისასა ჯერ არს ჩემი ყოფაო“, ე. ი. ტაძარში, სადაც იკრიბებოდნენ მორწმუნენი.

არც ერთ მოციქულს, რომლებმაც წერი-

ლები დაგვიტოვეს ერთი სიტყვითაც, ერთი საეკვო ფრაზითაც არ უთქვამს, რომ იესო ქრისტეს მამა ყავდა. წინააღმდეგ, პეტრეს პირით მათ აღიარეს იგი „ძედ ღეთისა, მეუფედ ისრაილისა.“

ქრისტეს მოსისხლე ბტრებიც თარისეველები, მხოლოდ იოსებ მართალზე და მარიამზე უწვევებდნენ, როგორც ი. ქრისტეს ღედმამაზე: „არა ესე არს შვილი იოსებისა ნაზარეთიო, რომლის მამა და ღედა ჩვენ ვიცით? ვითარ იტყვის იგი, ვითარმედ ძე ღეთისა ვარ მე“? კითხულობდნენ ბრაზმოსული თარისეველები. რას არ მისცემდნენ იგინი ბ. გომართელს, რით არ დააჯილდოებდნენ, რომ ამ დროს თავის იკიბოქიათი მიშველებოდათ და გაემეღავენებია ი. ქრისტე იოსებ პანდერას შვილიაო. თითქმის ყველა მოციქულების მამის სახელია მოყვანილი სახარებაში და იესო ქრისტეს მამაზე არაფერია მოხსენებული.

რაც შეეხება იმ ორმოცდაათ ყალბ სახარებას, რომლებსაც იხსენიებს ბ. გომართელი (ჩვენ არ ვიცით ნამდვილი რიცხვი ამ სახარებებისა და ამიტომ არაფერს ვამბობთ), მათზე დაფუძნება მხოლოდ ყალბ გონებას შეუძლია, რომელიც თვალს ვერ უმართავს ცხად ქეშმარიტებას. „წმიდა მამებმა იგინი ყალბად იცვენესო“, ამბობს გომართელი და თითქოს უსაყვედურებს, რატომ იცანიოთ ყალბათო. რატქმა უნდა, ყალბი ყალბად უნდა ეცნოთ და იცვენეს კიდევ და თუ ბ. გომართელი ასეთ ცნობას, უსაფუძვლოდ რაცხს, დაგვიბტკიცოს წინააღმდეგი, დაგვიბტკიცოს უტყუარი საბუთით, რომ ეს მისი ორმოცდაათი სახარება ყალბი და განძრავ შეთხზული არ არიან, რომ იგინი დაწერილია მათგან, ვინც თვითმხილველნი იყვნენ მაცხოვრისა, ვინც დაახლოებით იცოდა მისი ვინაობა. თუ ეს ორმოცდაათი სახარება გომართელს ქრისტეს პიროვნებაზე ქეშმარიტ მოთხრობად მიიჩნია, მაშ ჩვენა ოთხი სახარება ყალბი ყოფილა და აბა ერთი სინჯოს და მოიყვანოს ამის გასამართლებელი საბუთები! „ენას ძვალი არა აქვს“ ამბობს ძველი ანდაზა. თქმით ყოლიფერი შეგვიძლია ესთქვათ; შეგვიძლია ისიც ესთქვათ, შზე რომ არ იყოს.

უფრო მეტი სიძობო და სინათლე იქნება ქვეყანაზე, მაგრამ ვინ დაგვიჯერებს, თუ ენის ძვალი არ ვუჩვენეთ, ე. ი. საბუთები არ წამოვუყენეთ. მტყვანი კაცის ენას მხოლოდ საბუთების მოთხოვნა გააჩერებს და ჩვენც სწორვით ამით ვფიქრობთ გავაჩეროთ ბ. გომართელს ს უძველო ენის უსაბუთო ტლიკინი.

(შემდეგი იქნება).

სანმანიანი.

პროფესორ მასს მიუღწერის აზრი მატერიალიზმზე.*

(მისი წერილებიდან).

(რუსულთ).

ერთი რამ: ან ბუნებაში არის გონიერება და ან არ არის და მაშინ იგი უგუნურია, არის ხალსი, (არეულობა უწესრიგობა) უაზრობა და, არც უფრო დახელოვნებულის გამარჯვებას ცხოვრებაში, და არც ბუნებით ხელის შეწყობას არ შეუძლია შეიტანოს წესიერება ამ არეულობაში ისე, როგორც შეუძლებელია გოიტეს პოემის „ფაუსტის“ შედგენა უთავბოლოდ დაყრილ სტამბის ასოებიდან, რაც უნდა ვანძროთ და ვრიოთ იგინი. თუ მაინც და მაინც გვინდა, მტკიცეთ დავადგეთ დარვინის გამოკვლეულ. ბუნების კანონებს—ბუნებით ხელის შეწყობას და უთრო დახელოვნებულთა გამარჯვებას—ცხოვრებაში—უნდა აღვიაროთ სული, რომელიც ქმნის ამ ხელშეწყობას და შეგუებას (приспособление); აღვიაროთ ეს მიზნისდაგვარობა, როგორც აზროვნება შემოქმედისა, რომელსაც მართლა შეუძლია მსჯელობა და მოფიქრება.

მე ვფიქრობ, რაც აქნამდის ვსთქვი, ყოლიფერი გასაგებია; მაგრამ რაც ჩვენთვის ცხადია, ის, შეიძლება გაუგებარი იქნეს ყრმათათვის და აგრეთვე კაცობრიობისათვის, რომელიც სცხოვრობდა 5,000, ან 50,000 წლის წინეთ. მე ვცდი-

ლობდი უმთავრესად, გამომერკვია ის თუ რა გზით და როგორ შიადწია ძველმა, კიდევ გაუნათლებელმა. ადამიანებმა იმ რწმენამდი, რომ არის რაღაც ამ ქვეყნის გარეშე მყოფი, უხილავი, კაცზე და ქვეყნიერებაზე უმაღლესი. მათი ენიდგან და ძველი სარწმუნოებრივი ნაშთებიდან შეგვიძლია გამოვიყვანოთ ის დასკვნა, რომ მათ ადრე შენიშნეს რაღაც განსაკუთრებული იმ ბუნებაში, რომელიც მათ გარეშე იცავდა. ქვეყნიერება არ ყოფილა ბნელით მოცულო, უძრავი და მკვდარი. მზე ამოდიოდა, ადამიანი იღვიძებდა ძილისაგან და ჰკითხავდა თავის თავს და ამცის მნათობს: საიდგან და ვინ არის იგი? როგორ მოძრაობს? უთუოდ თავისით არ ადგება ხოლმე იგი? თავდაპირველად მართლაც მზე თვითმოქვედი მუშა ეგონათ, რომელიც უდიდეს მოღვაწეობას ეწეოდა დედამიწისათვის: ჰფენდა ნათელს, სითბოს, სიცოცხლეს, ხელს უწყობდა აღმოცენებას, ნაყოფიერებას.

აქედგან სრულებით ბუნებითად დაიბადა მზის თაყვანის ცემა: მას მადლობდენ, მისგან თხოულობდნენ სითბოს, სინათლეს, მოსავალს. ამ ნაირად გაღმერთდა მზე, ე. ი. მას უწოდეს სახელად „დევა“ (Deva, deus), რაც თავდაპირველად ნიშნავდა სინათლეს, მაგრამ უკვე ძველმა პერუელმა ინკამ შენიშნა, რომ მზე თავისუფალი არ არის, მაშასადამე იგი ისეთი ვინმე არსება არ არის, რომელსაც ეკუთვნის მადლობა, რომლისგანაც შესაძლებელია რამე გამოითხოვოს. ის მიხვდა, რომ მზე ემსგავსება მუშა საქონელს, ვალდებულია ყოველდღე გაიაროს განსაზღვრული მანძილი. მიუხედავად იმისა, რომ მის სამშობლოში მზის თაყვანის ცემა საზოგადო სარწმუნოებად იყო აღიარებული და თითონაც მზის შვილად იწოდებოდა, მან მაინც უარჰყო ძველი მამაბაბური სარწმუნოება და შეიქმნა, როგორც ლაპარაკობენ ეხლა, ატეისტი (ღვთის უარყოფელი—ურწმუნო), ე. ი. დაიწყო

*) იხ. „შინ. საქ“ № 6.

ძებნა უფრო ქვეშარიტი ღვთისა. სხვა ქვეყნებშიდაც ასევე ხდებოდა და თანდისთან, მის მაგიერ, რომ თაყვანი ეცათ მზისა, მთვარისა, ცისკრისა, ქარიშხალისა, ცისა და სხვა ამ გვარ საგნებისათვის, აღამიანებმა დაუწყეს თაყვანისცემა უხილავ არსებას, რომელსაც უწოდებდნენ ზეციერ მამას, ზევსს და სხვა სახელებს. ამ სახელებით იგინი აღნიშნავდნენ უკვე არა ხილულ საგნებს, არამედ მას, ვინც იგინი შექმნა, გააჩინა, ქვეყნის მოაზრეს და მმართველს. აი ძირითადი საფუძველი, რომელზედაც დაშენებულია ყველა ცნობილი სარწმუნოება... სარწმუნოება იცვლებოდა, მაგრამ ძირითადი დებულება რომ არსებობს მოაზრე და განმგებელი ქვეყნიერებისა, ყოველთვის შეურყეველი რჩებოდა. ამ ნაირად ჩვენ მივედით იქნამდის, რომ აუცილებლად უნდა მივიღოთ და აღვიაროთ არსებობა სულისა ჩვენში და ჩვენს გარეთ. არსებითად სულ ერთია, რაც უნდა დავარქვათ ჩვენ ამ სულს, — ჩვენ ძრიელ კარგათ გვესმის, რომ იგი იმდენად აღემატება ჩვენს მიმღეობის ნიქს, რომ თითქმის სახელის დარქმევის ცდაც კი სისულელედ უნდა ჩაითვალოს. მიუხედავად ამისა ჩვენ მაინც ვეძახით მას იაგავას, ალლახს, დევას, ღმერთს, შემოქმედს ჩვენი კაცობრივი გონების სილატაკის გამო, მოკლე ჭკუის გამო. მეც ვუწოდებ მას მყოფს, მაგრამ ამაზე სხვიმის. ეხლა კი მე კმაყოფილი ვიქნები, თუ თქვენ დამერწმუნებით, რომ ჩვენი სული უბრალო ორთქლი არ არის და ქვეყნიერება ორთქლის მანქანა; მისთვის, რომ მანქანამ იმუშაოს, თვალმა იმზიროს, ყურმა ისმინოს, გონებამ იფიქროს, ამატოს და აკლოს, საჭიროა სული, მხედველი, მსმენელი, მოფიქრალი და მოანგარიშე. ამ ნაირად ჩვენ მივალწიეთ ამ დასკვნამდის, როგორც ხედავთ, ისე, რომ ერთი ნამცვერიც არ გადავცილებივართ გონების გზას და რომ კანონიერად და სინიდი-სიერად შეერთება-გამოკლებით ბოლოს

მივდივართ იმ აზრამდის, რომ არსებობს ღმერთი (ვახწევთ იდეას ღმერთზე). მე დაგიხატე თქვენ რამდენიმე ხაზით კაცობრიობის შემეცნების (познание) წინსვლა. საჭირო იყო ბევრი რამ შემეცნო ისტორიის დახმარებით; ამისთვის საჭირო იყო, ზედმიწევნით შეგვესწავლა კაცობრიობის სამღვთო წერილის წიგნები და ხელმძღვანელი ნაწარმოები აღმოსავლეთის და დასავლეთის ფილოსოფოსებისა.

მაშინ ჩვენ შევიგნებდით და აღვიარებდით, რომ კაცობრიობის ისტორია არის საუკეთესო ფილოსოფია, და რომ ღმერთი, არა თუ მარტო ქრისტიანობაში და ებრაელობაში, არამედ ყოველ სარწმუნოებაში ხშირად და სხვა და სხვა სახით გვლაპარაკებოდა ჩვენ და ეხლაც გველაპარაკება წინასწარმეტყველების პირობით.

შევნიშნავ მხოლოდ ერთს: ხშირად მეუბნებიან, რომ სული არ შეიძლება იყოს პირველი მიზეზი (prius), არამედ შედეგია ნივთიერებისაო. ეს სრული ქვეშარიტებაა, თუ საგანს განვიხილავთ ემბრიოლოგიურად ან ფსიხოლოგიურად.

ყმაწვილი იწყებს ღრმა ძილიდგან, შემდეგ ამას მოჰყვება სიზმრები და ბოლოს იგი იღვიძებს, იძენს შობაქედლებს, არქმევს სახელებს, აერთებს და აკლებს. რა იღვიძებს ყმაწვილში, ძვალი რომელიმე თუ, შეიძლება, ის რბილი ცომი, როეელსაც ტვინი ჰქვია? განა თეთრ ან ნაცრის ფერ ცომს ჩვენ თავის ქალაში შეუძლია სახელი უწოდოს, შეაერთოს? გკითხავთ ერთხელ კიდევ: შეუძლია თუ არა თვალს მზერა, ყურს სმენა? სინჯეთ მიცვალებულზე ან მძინარ კაცზე. უსუბიექტოდ არ იქნება ობიექტი, (უშინაგანოთ გარეგანობა, უსულოთ სხეული), უქკუოთ—ერთი წარმოდგენაც; უსულოთ-ნივთიერება. თქვენ ფიქრობთ, რომ ჯერ გაჩნდა ნივთიერება—მასალა, ხოლო შემდეგ ის, რასაც ჩვენ სულს ვუწოდებთ? მაგრამ სად არის ეს ნივთიერე-

ბა, სად არის ეს მასარია? სად გინახავს იგი? თქვენ ხედავთ ხეს: მუხას, რცხილას, წიფელას, ქვას, ხოლო ნივთიერებას ვერსად და ვერასოდეს ვერ ნახულობთ. ნივთიერება თვით სულის ქმნილებაა და არა წინააღმდეგ. განა მთელი ქვეყნიერება აზრი არ არის? ჩვენ მხოლოდ ვსწავლობთ იმ აზრების მოფიქრებას, რომელიც ჰქონდა უხილავს, მაგრამ ყოლიფერში გამოჩინარე ქვეყნის მოაზრეს. ის, რასაც ჩვენ ვხედავთ, გვესმის, ვსჯამთ, საზოგადოდ ვგრძნობთ, ეს ყოლიფერი ჩვენშია და არა ჩვენს გარეშე. შაქარი ტკბილი კი არაა, სიტკბოება ჩვენშია. ცა ტრედის ფერი კი არაა, არამედ ჩვენ გვეჩვენება (ვლდებულობთ) მტრედის ფრად. არაფერი არაა არც დიდი, არც პატარა, არც მძიმე და არც მწიბე თავის თავად, არამედ მხოლოდ ჩვენთვისაა ასეთი.

ადამიანი არის საზომი ყოლიფერისა, როგორც უკვე სთქვა ძველმა ბერძენ-ფილოსოფოსმა, ადამიანმა გაზომა ნივთიერება და მისცა მას სახელწოდება. ღოლო როგორ ჰქნა მან ეს? ყოლიფერს, რისგანაც რაქეს აკეთებდა, ის ეძახოდა ნივთიერებას (მასალას—*матерія*); სიტყვა მატერია (ნივთიერება) ძველად ნიშნავდა მხოლოდ საშენ მასალას, რისგანაც სახლის აშენებდნენ. აი მთელი სიბრძნე მატერიის შესახებ. იგი არის საშენი ხე, მუხისა, ფიქვისა, წიფლისა, რომელიც გნებავთ. განაყენეთ, როგორც გინდათ, გასაზოგადოებრივით ეს ცნება, მაინც ბოლოს დაგრჩებათ ხე და ხე. და განა შესაძლებელია რომ ამ ხიდგან წარმოსდგეს აზროვნება და მით უფრო თვით მოაზრე? ნუ თუ ფიქრობთ, რომ არსებობს ისეთი გარეშე ქვეყნიერება, როგორსაც ვხედავთ, ვისმენთ, და ვგრძნობთ? სად არის ხე ჩვენ წარმოდგენის გარეშე? ჩვენი წარმოდგენები კი შესდგებიან გარეგანი (чувствениый) მიმღეობიდან, ხოლო ეს ჩვენი მიმღეობა, ნაკლულევიანი, ჩვენი საგრძნობელი იარაღების ნაკლულევიანების

გამო, არსებობდა მხოლოდ ჩვენში, ჩვენთვის და ჩვენის საშუალებით. საგანი, რომელსაც ჩვენ ვხედავთ. ვლდებულობთ, რჩება ამ საგნად მხოლოდ ჩვენ წარმოდგენაში, ჩვენ ქკუაში; რასაც ჩვენ ამ საგანზე ფიქრობთ, ის ჩვენი, ხოლო თვით საგანი თავის თავად ჩვენთვის უცნობი რჩება. თუ თქვენ გნებავთ მას (საგანს) მატერია—ნივთიერება—უწოდოთ, და ქვეყნიერებას მატერიალური (ნივთიერებისგან შემდგარი), აგრე ჰქენით, ამის წინააღმდეგ შე არაფერი მაქვს, მაგრამ მისი სულის მიზეზად დასახვა წარმოუდგენელია; იგი (მატერია) შედეგია, გამოწვეული სულისგან, რომელიც ჩვენთვის მუდამ მიუწომელი რჩება.

უკიდურესი მატერიალისტებიც კი აწერენ მატერიას ინერციას (ინერცია არის საგნის მდგომარეობა, რომელსაც იგი თავისთავად ვერ შეიცვლის სხვა მდგომარეობაზე, თუ გარეშე ძალამ არ შეუტვალა იგი მას. მაგ. ქვა ძევს და საუკუნოდ იდება, თუ ვინმემ ან რამემ არ გადააგორა იგი). ატომი (ნამცეცი) მოსვენებულია, სანამ რამე არ შეანძრევს. საიდგან მოხდება ეს შენძრევა? ყოველ შემთხვევაში ისეთი რამიდან, რომელიც იმყოფება გარეშე მატერიისა, ატომისა, ასე რომ მისი თქმა მაინც არ შეიძლება, რომ ქვეყანაზე მატერიის მეტი არაფერიაო. ხოლო როცა ატომებს მოძრაობას და მიმღეობასაც კი აწერენ, როგორც შევბიან ზოგიერთი ფილოსოფოსები, ეს უმეტნაკლოთ იმას ნიშნავს, რომ მივმადლოთ მათ ყველა სულის ნიქები, ე. ი. იგივე სული, რომელსაც მატერიის შედეგად ხდიან. თუ ატომში რამეა ჩადებული, მისი გამოღებაც შეიძლება. მიეციოთ ატომს რკოს თესლის ძალა და იქიდგან გაიზრდება მუხა. მიეციოთ ატომს ნიქი გარეგანი მიმღეობისა და იქიდგან შეიძლება განვითარდეს ცხოველი და, შეიძლება, კაციც—მაგრამ ჩვენ გვეუბნებიან წყალმზადის, მკვამზადის, აზოტის და ნახ-

შირბადის, მკვდარი ატომებიდან გრძნობისა და ცნობიერების განვითარებაზე. კიდევ რომ შესაძლებელი გახდეს ატომების მოქმედებიდან იმის ახსნა, თუ რა არის სიცოცხლე (აქ შეუძლებელი არაფერია, თუნდა გეკეელი და ტინდალი უარს ყოფენ ამას), მაინც გრძნობა, ცნობიერება, და ქკუა,—ერთი სიტყვით, ყველა სულის-ძალების არსებობა აუხსნელი და გაუგებარი რჩება. დეონ სტიუარტ მილლი იდეალისტი სრულებით არ ყოფილა, მაგრამ ისიც კი ამბობს, სული შეიძლება მხოლოდ სულიდგანვე წარმოსდგესო. ტინდალმაც ცხადად გამოსთქვა თავის სიტყვაში ის აზრი, რომ მოლეკულიალური მოქმედების (პროცისის) განუწყვეტელობა და ცნობიერობის მოვლენანი არიან ის კლდეები, რომლებზედაც უნდა შეიმუხროს მატერიალიზმიო.

ბოსლეველი.

(შემდეგი იქნება).



ახლო-მახლო

გაგრძელება.¹⁾

III.

ქართველ საზოგადოებას, ნებას არ მისცემდა თვით ის ნიადაგი საშობლო ქვეყნისა, საიდანაც ის არის აღმოცენებული, რომ აზრი შეეცვალა იმ სარწმუნოებაზე, რომელიც საუკუნოებით არის აღბეჭდილი მის ნათელ გონებაზე, მაგრამ ეს არის სულ სხვა მიწა-წყლის ჰაერი, ეს არის სულ სხვა ხალხის შხამიანი ისარი, ჩვენი ხალხის ზნეობრივ მხრით და მაშასადამე ყოველ მხრითაც, გულის დასაკოდად გადმოსროლილი. დიახ, საფრანგეთის...—მაგრამ ნურავის გონია, რომ განათლებული საფრანგეთი არ შემცდარა და არ შეცდებოა ის შეცდა სარწმუნოებრივ ბრძოლაში და შეცდა მწარედაც. მოვიგონოთ.

კარა ხნის წინედ საფრანგეთმა გამოაც...

¹⁾ იხ. „შ.ნ. საქ.“ № 10.

ხადა უსაზღვრო სვინილის თვისუფლება. განსდევნა ღმერთი, მოსპო სარწმუნოება, სასტიკად აღკაძა სახელმძღვანელოებში, მწერლობაში და მსჯელობაშიაც კი, ესხენე-ბიათ ღმერთი, ანგელოზები და სხ. განითავისუფლეს—რა თაფი კაცთა ბატონობისგან, განიზრახეს სარწმუნოებრივი ზედ-გავლენისაგანაც გაენთავისუფლებიათ თაფი, მაგრამ მოხდა კი მოსალოდნელი? სრულიადაც არა: დაეცა ზნეობა, შეირყა და გაირყვნა ხალხი, დაბნელდა მათთვის მზე, სანამ კვლავ ისევ არ აღადგინეს სარწმუნოება, როგორც ისეთი რამ მაცოცხლებელი ძარღვი, ურომლისოდ ხალხი ისევ ვერ იბოგინებს, როგორც თევზი უწყლოდ. ახლაც ხომ, შემდეგ დიდი ბრძოლისა, გაიყვანეს იქ, არც ისე მკაცრი, როგორც პირველში, მაგრამ მაინც ფართე სვინილის თვისუფლება, მაგრამ იქვი არ არის, რომ ამ შეცდომასაც გაასწორებს ის.

საფრანგეთი ხომ ცნობილია, როგორც დაუდგრომელი, მუდამ უკმაყოფილო, მუდამ ბედის მომდურავი ქვეყანა, იქ ხომ შეუწყვეტელი ბრძოლაა, ბრძოლა პოლიტიკური და სარწმუნოებრივი, სხვაზედ რომ არა ითქვასრა... მართალია, კაცი პირუტყვი არ არის, რომ ერთს წერტილზე შეჩერდეს და მით სამუდამოდ კმაყოფილი დარჩეს, მაგრამ არც მუდამ აღელვებული ზღვაა სასიამოვნო და სასარგებლო... ვანა ასეთსავე სარწმუნოებრივს მღელვარებას ვხედავთ ჩვენ განათლებულსავე ინგლისში?—სრულიადაც არა. იქ განვითარებული რელიგიური რწმენა მეტის-მეტად შეთანხმებულია მოქალაქობრივ ცხოვრებასთან, რაც თავდებია დიდებული მომავლისა...

მუდამ აბოზოქრებულ საფრანგეთიდან ჩვენში სარწმუნოებრივი შეხედულობის გადმოღებაზე წარმოსადგენია რუსეთის მთავარი ვლადიმირი, რომელმაც, როცა ის სჯულს იცვლიდა, უთხრა ურიების წარმომადგენლებს: „ნუ თუ თქვენ გინდათ, რომ თქვენსავით ჩვენც გავვიწყრეს ღმერთი და გავგუჟანტოს დედა-მიწის ზურგზე, როგორც თქვენადე?!“

მართალია, ჩვენშიაც ბევრს უნდა მუდამ აბოზოქრებულ-აღელვებული ვიყოთ, მუდამ

მღვრიე იყოს ჩვენი ცხოვრების ზღვა, სადაც უფრო ადვილი მოსახერხებელია ოქროს თევზებზე ნადირობა და კიდევ... დიახ, კიდევ მოიბრუნა ბევრმა სული, ბევრმა დაინთო ცივს კერაზე ცეცხლი იმ საზოგადო დროშის ქვეშ, სადაც პირად ქონებრივ ინტერესებს ადგილი არ უნდა ჰქონოდა...

ამას უნდა ხედავდეს და გრძნობდეს ჩვენი მდაბიო ხალხი, უფრო სოფლის, რომელსაც მეტად ძვირად დაუჯდა და დაუჯდება კიდევ განურჩევლად სხვისი ფეხის ხმის აყოლა... ერთობ ჭკუის სისუსტეს მიეწერება, რომ კაცი ახალ-დაბადებულ აზრებით უცხად აღნთოს და უთავბოლო მღელვარებას მიეცეს. ცხოვრებაში ბევრი არ გამართლებულა გარეგანი შეხედულობით მეტის-მეტად მარგებელი აზრებით... ერთ მეგრულს უთხრეს: „ვაჟი-შვილი შეგეძინა, დიდი ქეთი მოგველისო“.

„არაო—უთხრა მან—მე მაშინ ვიქეიფებ, როცა ის გაიზრდება და კარგი გამოვა; ახლა რისთვის ვიქეიფო, არ ვიცი ნამდვილი ადამიანი გამოვა, თუ ავაზაკიო“.—განა სისულელე არ იქმნება, რომ ვინმემ მეტად ძვირფასი მცენარის თესლი გამოიწეროს სხვა ქვეყნიდან, აბრუნოს ხელში და მით აღტაცებულად მოდიოდეს? შესაძლებელია, მან ერთი მარცვალი ნაყოფიც არ მისცეს; მან იმდენად უნდა იხაროს, რამდენად მის მიწის ნიადაგმა ის თესლი ნაყოფიერად აღმოაცენოს... ვიმეორებ ისევ დიდებული ჰუშეინის სიტყვას: „შენ თვითონ ხარ შენი თავის უმაღლესი მსახური“.

ვინც ცოტად მაინც აკვირდები და გული შეგტყუვა ჩვენი თანამედროვე სარწმუნოებრივი ცხოვრების მიმდინარეობაზედ, გული გიკვდება, როცა გესმის საზოგადოების ხმა, როცა გაისმის მისი საჩივარი: „ზნეობა-სარწმუნოების დაცემაში დიდი დანაშაული მიუძღვის თვით იმ პირთ, რომელთაც მისი მახლობელი მოვლა და დაცვა აბარიათო“—და უფრო გიკვდება გული, როცა გრძნობ, რომ ერთის მხრით ეს არც ტყულია,

„ჩვენ ვებრძვიითო—გაისმის საზოგადოების ხმა, დიახ საზოგადოების და არა იმ თითო-ორიოდა უღმრთო პირებთან, რომელნიც არა

თუ საზოგადოებას (ადამიანთა ჯგუფს) არ შეადგენენ, არ შეადგენენ მის ნაწილსაც, როგორც გამხმარი შტო არ შეადგენს ცოცხალ მცენარის ნაწილს,—ჩვენ ვებრძვიით იმ მაგნებელ წეს-წყობილებას და უზნერ სასულიერო წოდების პირთა უმგვენო მოქმედებას, რომელთაც დიდი ზნეობრივი ზედ-გავლენა აქვთ ხალხზე, თორემ ღმერთი გვყავს და გვეწამებაო“... ღმერთმან ინებოს, არ შემცივრებულებიყოს სჯული, სარწმუნოება, სასულიერო უწყებას რაც გინდა მოვლოდეს.

ისტორიას არ ახსოვს, რომ ხალხი ოდესმე უსარწმუნოებოდ ჰყოფილიყოს და არც ახლაა სადმე ცოტად, თუ ბევრად კულტურული ხალხი, რომელსაც სჯული არ ჰქონდეს. ქრისტეს ნამდვილი მოძღვრება, მისი სახარება იმდენად შეთანხმებულია პატიოსან კაცის ცხოვრებასთან, რომ მარტო გიყვ თუ მოუვა აზრად მისი უარის ყოფა, მაგრამ ეს როდია სასულიერო პირთა მამართლებელი სბუთი?—

ქრისტიანობას მოვლენიდანვე დიდი ჰიერი, დევნა და შევიწროება განუცდია, ამასვე იცდის ის დღესაც. იცდის, თუმც არა ისე პირდაპირ, როგორც პირველ საუკუნოებში, მაგრამ უფრო მაგნებელს კი. პირველ საუკუნოებში რამდენად საშიში იყო ქრისტეს სარწმუნოების აღსარება და რამდენადაც საიდუმლოდ ვრცელდებოდა, ის იმდენად ღრმად იდგამდა ხალხის გულში ფესვებს, რომლის მიზეზი ადვილი ასახსნელია: მაშინ მას (ქრისტიანობას) არ სწამდა პირმოთენობა-ცბიერობა, მიდრეკილება, ჯილდო, ანგარეება და სხ. ის ქეშმარიტებას ერთნაირად ამხილებდა, როგორც პატარას, ისე დიდს, როგორც ღარიბს, ისე მდიდარს, როგორც უძლურს, ისე ძლიერს... მაშინდელი ქრისტიანების უმაღლეს რწმენას შეადგენდა: ქეშმარიტი ზნეობრივი ცხოვრება აქ და სულის ცხოვნება საიქიოში. ეს გრძნობა და რწმენა იმდენად განვითარებული და მტკიცე იყო მათში, რომ მას ვერ ჩრდილავდა, ვერ ამცირებდა ვერავეთარი ჯილდო-დაპირება და „ძლიერთა“ ამა სოფლისათა გამოგონილი მრავალ გვარი ტანჯვა-წამება. იფეთქა სიმართლემ, წაბურა სარწმუნოებრივ-

მა ქარმა და მოჰფინა ის ქვეყანას, მოაბრე-
 ვინა მის წინ ქედი იმათაც, რომელთა ზიხლს
 და მძულვარებას ქრისტიანობისადმი საზღვარი
 არ ჰქონდა... ახლა? — ახლა კი რამდენად აშკა-
 რად ვრცელდება ის (ქრისტიანობა), იმდენად
 ძირში ჰია უჩნდება და რამდენად მის გარეგან
 და ფორმალურ მხარეს ყურადღება ექცევა, იმ-
 დენად მისი არსებობა უფერული და საშიში
 ხდება. ზეციერი სიმაღლეთ შეთანთქა, დღიურ
 ლუკმისთვის მომტირალმა ქვეყნიურმა ცხოვ-
 რებამ; პირველი უკანასკნელმა გაიხადა მარჯვე
 იარაღად, დაადგა მას მონობის მძიმე უღელი,
 საიდანაც გამოისმის მისი გმინვის უძლური
 ხმა... დიახ... მაგრამ ამაზე სიტყვის გავრცე-
 ლებას ჩვენ არ გამოუდგებთ. პირველ თავში
 სახეში გვყავდა სოფლის მდებარე ხალხი, აქ კი
 სოფლისავე ზოგიერთ მოძღვრებზე გვექნება
 ლაპარაკი იმდენად, რამდენადაც მათი კეთი-
 ლის მსურველი ვართ.

კირილე წუთისოფლელი.

(შემდეგი იქნება).

რ წ მ ე ნ ა.

(რუსულიდან).

როცა განგებამ ღვთაური ძალით
 ინება ქვეყნად ჩვენი გაჩენა
 თავისუფალი, უკვდავი სულით,
 მაშინ ჩაგვბერა მან მისი რწმენა!

* *

როს შფოთიანსა ჰაბუკობის დროს
 გზას წარსაწყმედსა ვადგევართ ჩვენა,
 მაშინ სადგურსა წყნარს, საიმედოს
 ჩვენ მიგვატურვებს წმიდა ის რწმენა!..

* *

როს მოვმწიფდებით, როს მოვ-
 ხუცდებით,
 როს სული ტანჯობს, გვაქვს გლოვა,
 წყენა...

ვით მოყვარული ძმა მოფერებით
 გვამხნევენს მარად ის დიდი რწმენა!

* *

ის გვიმსუბუქებს, ცხოვრების სიმწერს,
 შფოთსა და ზრუნვას... მით გვაქს ჩვენ
 ლხენა...
 დიდს მთებს გარდავამს სხვა და სხვა
 მხარეს,
 გმირებსაც ის ჰქმნის... ეგ არის
 რწმენა.

* *

როს ცხოვრებაში გვიჩნდება სენი,
 მკურნალთ ვერ ძალოდსთ რომლის
 მორჩენა...
 როს დათვლილი გვაქს ჩვენ მწარე
 დღენი,
 ნამია მაშინ ციური — რწმენა!..

* *

როცა თავდება ჩვენი ცხოვრება,
 სამარადისოდ როს გვებმის ენა...
 ბნელ-ცივ სამარის განცისკროვნება
 ადვილად უჩანს... — აქაც კვლავ რწმენა!

* *

ნათელი არის იგი ცხოვრების,
 გზის მჩვენებელი ვარსკვლავი ზენა...
 ნეტარება მას, ვის არ უქრების
 ეგ დიდებული ნათელი — რწმენა!

ლადი გავუ.

1894 წ.

ს. კოტიანეთი.



დაბადების მოთხრობა

ადამისა და ევას შეცოდებაზე ნამდგადა ის-
 ტარააა, თუ აღლეგორაა და ზღაპარა?

(ჩვენი მატერიალისტების აბლა-უბლის გამო)

ვაჰ დედა თქვენსა, ყოვებო,
 ცუდ დროს ჩავიგდავთ ხელადა,
 თორთ ვნახავდი თქვენს ბუმბულს
 გაშლილს, გაფანტულს ველადა!
 არ წივი — ვაჟა-ფშაველასი.

III თავი. *)

ასეთია ალლეგორიული ახსნის თეორია
 შესახებ დაბადების შესამე თავისა, მაგრამ აშან

*) იხ. „შინაური საქ.“ № 9.

თქვენი ქირი წაილოს, ბევრად ეს არ გვაშინებს, როგორც ქვევით დაინახავთ, რომ სხვები ამაზე უარესსაც არ ამბობდნენ. დაბადების წინააღმდეგ გამოდის მთელი დასი ნემეცების და ფრანკუზების რაციონალისტებისა, რომელნიც მეცნიერული მომზადებითაც და უკიდურესი მიმართულებითაც (ურწმუნოებით), ძლიერ საშიშარი არიან. ასეთები არიან სახელდობ: შტრაუსი, ფლეიდერერი, გრილი, გატერერი, ვიხორნი, პაულუსი, გაბლერი, იერუზალემი, გეგელი, ფრანსუა ლენორმანი (ისტორიკოსი და ლინგვისტი) და სხვა მრავალნი.

ეს მეცნიერები ამბობენ, რომ მოსეს თქმულების მიღება პირდაპირ, როგორც მართლმადიდებლებს და კათოლიკებს სწამსთ ეს, ყოველად შეუძლებელია და დიდი უაზრობააო. აქ უფრო მითი, ზღაპრია, ვიდრე ნამდვილი ისტორიული ამბავია.

მართლაც ამბობს გაბლერი,—ვინ მისცა პირველ კაცს ისეთი განვითარებული ენა, როგორსაც მოსე აწერს ადამსა და ევას? ¹⁾ მართალია, სიუსმილი (მეცნიერია) კი გვარწმუნებსო, რომ ეს ენა ღმერთმა მისცა მზათ ადამსო, მაგრამო, ამბობს გაბლერი,—ეს შეუძლებელია, რადგან თუ მზათ და ერთბაშად მისცა, მიუცია მარტო ცალიერი ხმები, რადგან იმ დროს ჯერ კაცის თავში არავითარი აზრები არ იქნებოდა, და თუ თანდათან მისცა, კაცის გონებრივად ზრდის მიხედვით, მაშინ კაცს ორი სული უნდა ჰქონებოდა, რადგან იდეების ასსოციაცია სულში ძლიერ რთული რამაა. ვერც ლესინგისა და ტეტენისის აზრს მივიღებთო, განაგრძობს გაბლერი,—რომელნიც ამტკიცებენო, რომ ვითომც ენა არ ქონდათ ადამსა და ევას, მაგრამ ღმერთი უდგა უკან სუფლიორივით და ის ასწავლიდა ლაპარაკს, რადგან კაცს ლაპარაკის ნიჭი თან დაყოლილი აქვსო და ღმერთის ჩარევა საქმეში უაზრო და უღამაზო იქნებოდაო. ამ ნიჭიერების წყალობით კაცი უღმერთოდაც განავითარებდა ენას გარე-

შე ბუნებისგან მიღებული შთაბეჭდილებების საშვალებით და ზეგავლენითო. „ამაირად თუ გვსურს, რომ ენის გაჩენა ღირსეულად მივაწეროთ ღმერთს, უნდა ის აზრი მივიღოთ, რომ ენა თვით კაცმა გააჩინაო“, დასკვნის გაბლერი (იხ. Ungeschichte. — B. I, th. 2, S. 35—46.) მაგრამ ასეთი ენის შექმნისათვის, როგორც ცდა გვიჩვენებს, საჭიროა დიდი დრო, ადამი და ევა კი—განაგრძობს გაბლერი,—ცხოვრობდნენ სამოთხეში სულ მოკლე დროს, შეიძლება რამოდენიმე თვე და, ვინ იცის,—იქნება რამოდენიმე კვირაც-კი. „მაშასადამე შესაძლებელი არაა მივიღოთ, რომ იმ დროს ადამს ესმოდა ღვთის საუბარი და ან თვითონ ელაპარაკა ასე დალაგებით“.

მეორე მოსაზრება მოყავს შტრაუსს. მისი აზრით, მოსეს მოთხრობა პირდაპირ არ არის მისაღები, რადგან ამ შემთხვევაში ჩვენთვის სრულიად გაუგებარი რჩება ის, თუ რა მოსაზრებით შთააგლო ღმერთმა ადამი და ევა ასეთს განსაცდელში. რისთვის გამოსცადა ღმერთმა ისინი და რა მიზანი ჰქონდა მას?! რატომ სხვა მცნება არ მისცა ღმერთმა მათ, მცნება და მოვალეობა უფრო გასაგები და მისაწდომი, ვიდრე ხილის აკრძალვა, რომელსაც არავითარი საფუძველი არა ჰქონდა, გარდა იმისა, რომ უფრო დააეჭვიანა კაცი და დასცა კიდევ ²⁾.

თუ ხილი თავისთავად უვნები იყო, რაღათ აუკრძალა ღმერთმა მისი ქამა? ნუ თუ იმისთვის მხოლოდ, რომ ადამი და ევა ზნეობრივად გამოეცადა?! შეუძლებელია ეს, რადგან შედეგი მოჰყვა არა ზნეობრივი, არამედ ფიზიკური, ე. ი. ავანყოფილება და სიკვდილი. მისი სახიერებისგან და სიბრძნისაგან მოითხოვებოდა, რომ არ მიეცა ასეთი სახიფათო და საუბედურო მცნება ³⁾. ან ის რა დასაჯერებელია, რომ ვითომც ეს ხე სიბრძნეს აძლევდა კაცს! განა რომელიმე ხე გახდის კაცს ბრძნად? ⁴⁾ დასძენს გაბლერი.

ქვევით მოსეს გამოყავს გველი, ის აცდენს

¹⁾ Schtraus Die christliche Feubenehre B. II, § 55 33. 27—28.

²⁾ Ibid. B. I, 5. 89—90; 92.

³⁾ Pl. 87

⁴⁾ იხ. მისი Urgeschichte i Eichhornis. Heraus gegeben mit Einleitung von Fabler B. I. S. 32, შეადარე შტრაუსის Diechristliche Haubenlehre §§ 55 33. 27.

კაცს. დასახლებული რაციონალისტების აზრით, ეს გველი ნამდვილი გველია. მაგრამ ექვი გვეზადება მის ლაპარაკის შესახებ⁵⁾. როგორ ილაპარაკებდა გველი? ასეთი ნიჭი მას ყველა ცხოველებზე წაკლებად აქვს. ეშმაკი არ ყოფილა გველში. რომ ყოფილიყო, მოსე არ იტყოდა გველზე, რომ იგი „უგონიერეს ყოველთა მხეცთა ზედა“ იყო, რადგან ეშმაკი თუ კი იყო გამოსული, ის იარაღად უგუნურს პირუტყვისაკი იხმარდა, გონიერი გველი რა საჭირო იყო? გონიერი გველი იმისათვის არის ნათქვამი და გამოყვანილი, რომ რაც ჩაიდინა მან მხოლოდ თავისვე გონიერებით მოახერხა და არა ეშმაკის სუფლიორობით. მაშასადამე დასკვნის ახალი მეცნიერი კნობელი ლანგეს სიტყვით, — ამ მოთხრობას გველის შესახებ ისე არა აქვს არავითარი კავშირი ეშმაკთან, როგორც მაცხოვართან⁶⁾.

ამნაირად პირდაპირი მიღებით ვერას ვერ გავხდებით, ამბობს გაბლერი, — მაგრამ თუ ამ თქმულებას მივიღებთ ზღაპრად, მაშინ-კი ყველაფერი გასაგებია⁷⁾. მართლაც ამ გზას ადგებიან მრავალნი მეცნიერნი და ცდილობენ დაამტკიცონ, რომ მოსეს თქმულება სამოთხეზე მითი და ზღაპარია, რომელიც სხვა ხალხების მითოლოგიაშიც ბევრგან გვხვდება. ანალოგია მოსეს თქმულებასა და ამ მითებ შორის განსაცვიფრებელია — ამბობს ლენორმანი⁸⁾. დიდი ხნის აღიარებულია, ამბობს იულგრილი, — რომ მოსეს თქმულებასა (კოდვაზე) და ინდოგერმანელების თქმულებებს შორის არის დიდი მსგავსება⁹⁾. იმ მითებში ყველგან, როგორც დაბადებაში, ებრძვიან ერთმანეთს ბოროტი და კეთილი სული, ბოროტი სული გველშია განხორციელებული, როგორც მოსეს ეშმაკი, ბოროტი სძლებს კეთილს, ადამიანს კოდვაში ავდებს და ეს შეცოდებულები ისჯება ისე, როგორც ევა და ადამი. ჯერ კი-

ღვე ვედის პოეტები გვიხატავენ ბოროტს სულს გველის სახით *ahi*, ანუ *wirta*, ანუ ერთად *ahiwirta*, რომელიც არის იგივე ბოროტი სული *Wickalschlage*.¹⁰⁾ ინდუსების ღმერთი ვიშნა მზის სახით ებრძვის გველს. ასეა ევგიპტეშიცო. ევგიპტელების ბოროტი ღმერთი ტიფონი, რომელიც გველს ნიშნავს, სდევნის კეთილს ღმერთს ოზირისს —¹¹⁾, რომელი მოვლენაც სხვა ხალხების მითოლოგიაშიც გვხვდება. მაგალითად, ასე აქვსთ ჩინელებს, გერმანელებს და ბერძნებს¹²⁾. ბერძნებისა და ძველი გერმანელების მითოლოგიაში ვაშლს, ფლეიდერესის აზრით, დიდი ალაგი უჭირავს, ე. ი. დიდი წნიშენელობა აქვს. ის არის ცხოვრების, სიცოცხლის ნიშანი (*henenszeichen*), ხან კი დავის მიზეზია ის (*Streitursache*) როგორც სამოთხეში აკრძალული ხილი შეიქნა დავის მიზეზად. ბერძნების ზღაპრებში, როგორც ვიცით, პერსეფონა ვაშლის შექმამ დალუბა და შთააგდა ჯოჯოხეთში, ე. ი. მთვარის ქვეშეთქვეყანაში (*Unterwelt*). ძველი გერმანელების მითოლოგიაში ღმერთს იდუნას აქვს ვაშლი (*idunsäpfel*), რომლის ჭამითაც ყმაწვილდებიან გერმანელების ღმერთები. მითოლოგიამ იცის ეგრედ წოდებული გესპერიდის არაკები, სადაც გველი ზის ხეზედ, როგორც მოსეს თქმულებაში, იგი არის გამოყვანილი გველეშაბად, რომელიც მწყისს ოქროს ვაშლებს, ან იტაცებს ამ ვაშლებს. ამ გველს დიდი ალაგი ჰქონდა ბაბილონის თქმულებებშიც. აქ იპოვეს ასეთი ნაშთები: დახატულია ცოლი და ქმარი, რომელთაც ხელები გაუშვერიათ ხისაკენ, საიდანაც ნაყოფი არის ჩამოკიდებული და ამავე დროს ქალს უკან ხეზე იხვევა და იკლანება გველი¹³⁾. ასე არ აქვს მოსესაც?! და თუ ასეა, რაღა უნდა ამოვიკითხოთ და ვეძიოთ დაბადების პირველ თავებში? კითხულობს ლენორმანი და თვითვე იძლევა ასეთს პასუხს: დაბადების შესამე თავ-

⁵⁾ Urgeschichte, I, 137.

⁶⁾ Lange Phel. christe 83. 867.

⁷⁾ Urgesch. I, 115.

⁸⁾ Tr. benormant. hes Origines de histoire 1880 II, 97.

⁹⁾ იხ. მისი Die Ervater der Menschheit 1875, III, 28. შეადარე ფლეიდერესის Genetisch specul. Relig. 1884, 4 თ. 362—363 83.

¹⁰⁾ Griel. die Ervater... 83. 280.

¹¹⁾ Langl. Phelog homied. Ribelwerk, 87.

¹²⁾ Ibid.

¹³⁾ ფლეიდერესი. Genetisch speculative Religio. 1884 83. 363.

ში აწერილი ამბავი არ არის ღვთისაგან შთაგონებული ისტორია და არც ებრაელების საკუთრება. ეს არის გარდამოცემა, რომლის დასაწყისი უძველეს დროის წყლიანში იკარგება და რომელიც ჰქონდათ ყველა დიდ ერებს წინა აზიისა კოტაოდენი ვარიანტებით. ფორმითაც მოსეს თქმულება ისე წააგავს ბაბილონის და სალდეს გარდამოცემას, რომ მათი წყარო ერთი და იგივეა. ეს თქმულება ბაბილონიდან და ხალდედან, ე. ი. ურახალდედან (მესოპოტამიიდან, მცირე აზიიდან, სადაც სცხოვრობდა ხალხი ბაბილონის გოდოლის შენების დროს), აბრაამის ოჯახმა გადმონერგა პალესტინაში, როგორც უბრალო თქმულება და მერე წინასწარმეტყველმა მოსემ და სხვებმა იგი მონათლეს თავის ქუაზე, შთაუღეს ახალი სული და ამას უწოდეს ღვთიური განცხადება, ამბობს ლენორმანი¹⁴⁾. ამასვე ამბობენ გრილი და ფლეიდერერი. პირველის აზრით, დაბადების თქმულება არის მერმინდელი განვითარება ინდოგერმანელების მითისა; მეორეს აზრით კი ძველს საგებს (ზღაპრებს) წინასწარმეტყველებმა ეთიკური, ანუ ზნეობრივი აზრი მისცეს¹⁵⁾. სარჩული იყო კოსმიური წარმოდგენები, ებრაელებმა კი ეს შეცვალეს ეთიკურ და რეფლექტიურ გლემენტებზე. (ib. 322), განაგრძობს გრილი. ადამისა და ევის საზიზღარი საქციელის ალაგიც, ე. ი. სამოთხის ბაღიც, მისი ოთხი მდინარით უთი. თებს ბაბილონზე, როგორც მის სამშობლოზეა—ამბობს ფლეიდერერი. (Weit auf babylonische Heimath der Sage)... ბაბილონის კოსმოგონიაში ხის ნაყოფია გამოყვანილი, როგორც მიუწოთმელი და საშიშარი (მომხიბლავი) ნივთი, ებრაელებისაში კი ამის მაგიერ მოგვაწოდეს ხელში ამ ხილის ქამს აკრძალვა. (ib. 364).

ამ თეორიიდან კოტათი განსხვავდება ზოგიერთ მეცნიერთა შეხედულება. იგინი აქ პოულობენ ფილოსოფიურს მითს, რომლის წყაროა, გაბლერის თქმით, ისტორიული

მარცვალი“, რომელიც მერე ვილაცა ბრძენმა განავითარა, მაგრამ მან ეს ისტორიული მარცვალი, ძველი მითი, აურდაურია თანამედროვე იდეებში და გარყვნა იგი, ამას ამბობენ სხვათა შორის გაბლერი, ეიხორნი და გატტერერი. ამორბონელი, დატე და დოდერლეინი ხედავდნენ მოსეს თქმულებაში ისტორიულ მითს, ე. ი. დრამატიულად და მხატვრულად გადმოცემულს და აწერილს ნამდვილს შემთხვევას. მათი აზრით, ნამდვილი საგნებია: სამოთხე, ხეები (შხამიანი და სამკურნალო), აკრძალვა ღვთისგან შხამიანი ხილისა, შექმა მისი, ფიზიკური შედეგი (სხეულის დანგრევა და დასჯა). სხვა თუ რამ არის ნათქვამი, ეს მაშინდელი მხატვრული ენის წყალობაა¹⁾.

კიდევ არის თეორია. პაულუსის აზრით, მოსეს მოთხრობა არის პოპულიარული, ანუ მდამიო, გავრცელებული ფილოსოფია ძველი დროისა. მან ბოლოს მითიკური ტანსაცმელი ჩაიცვა. ენა პროზულია, პოეზიას კი წარმოადგენს ვნებათა, გრძნობათა მხანკე, ანუ მოთხრობითი ფორმა გარდმოცემისა, რის გამოც იგი ისტორიას ვაგს და აზნევს მკვლევარებს ამით. თითქმის ახლო სდგას პაულუსთან გამბურგიც (მეცნიერია), რომლის აზრით მოსეს ამბავი ეროვნული მითია, რომლის მიზანია აგვიხსნას ფიზიკური ბოროტება ზნეობრივი ბოროტების საშვალეებით. კაცი მაშინ ხედავდა ბოროტებას ცხოვრებაში და წარმოიდგინა, რომ ოდესღაც ბოროტება სულ არ ყოფილა. კაცს უნდა შეეცოდა, რომ კოდება ბოროტება გამჩადრიყო ქვეყანაზე. მაგრამ ვის უნდა შეეცდინა იგი? ღმერთს? არა. მაშასადამე, მაცდურად უნდა გამოსულიყო მეორე არსება, სხვაზე „უგონიერესი“ (დაბადება III, თ. მუხლი I.), ე. ი. იმ დროის შეხედულებით, გველა. მაშინდელი ხალხის ფანტაზიამ დიხატა ბაღში ხე, რის ნაყოფის ქამასაც კაცი ვერ გაბედავდა, მერე გამოიყვანა გველი, მისი მქაშელი, ხის ქვეშ დედაკაცი, რომელიც უცქერის, როგორ ქამს ამ ხილს გველი, ბოლოს მისი წაბადებით თვითონაც სწყვეტს და ქამს. მხატ-

¹⁴⁾ იხ. მისი hes origines... P. II, გვ. 106—108.

¹⁵⁾ I. Grill Die Erväter der Menschheit, გვ. 310.

ფლეიდერერი: Genetisch... 4 or. 363 გვ.

¹⁾ გაბლერი Urgeschichte I, 2, 496—500.

ვრულმა ენამ დაბადა ზაქმა, რომლითაც ისარგებლა მოსემ ბოროტების ასახსნელად ქიყანაზე. (გაბლერის Urgeschichte, 568—574).

გატტერერის აზრით, აკრძალული ხე იყო შხამიანი, ამიტომ მისგან ყველა ცხოველები გარბოდნენ, მათი შეხედვით კაცმაც უტია, მოერიდა საშიშარს ხეს, მაგრამ ერთხელ კაცმა შეამჩნია, რომ გველი ქამდა მის ნაყოფს და ვნების მაგიერ უფრო და უფრო ცოცხლდებოდა, ამით გაბრიყვდნენ ადამი და ევაც და შექაშეს, და როდესაც ტანში იგვრძნეს ვნებათა ღელვა და ტკივილები, შეშინდნენ და ბალიდან გაიქცნენ, როგორც საშიშარი ადგილიდან; სინდისის ქენჯნა და ბალის გარეთ ცხოვრებაში ტანჯვები მათ ღვთის რისხვით მიიღეს, ქუხილი, რომელიც გაიგონეს, — ღვთის ხმათ ეჩვენათ და ბოლოსაც გველისადმი ბუნებითი ზიზღი — გველის დაწყევლად ღვთისაგან. (ib. 199).

თუ კი ამ ნაირად ყველაფერი მოსეს თქმულებაში ზღაპარია, რაღა აზრი აქვს თვით ამ ზღაპარს? რას ნიშნავს იგი? ფლედერერის, გრილის, კანტის, გეველის, შლეიერმახერის და გაბლერის აზრით ამ ზღაპრებში ყველაში ერთი აზრია: იგინი აღნიშნავს კაცის შექმნების პირველს გადგამებას. ნაყოფის აკრძალვა იმას მოასწავებს, რომ კაცი მომაკვდავი არსებობდა, მისი ძალები შეზღუდულია და გადამეტს ცოდნას არ უნდა წაუბოტინოს ხელი, რომელსაც მისი სუსტი ბუნება ვერ აიტანს. პირველი კაცის დაცემა მოასწავებს მისი შემეცნების პირველს გამოცხადებას, მის ამაღლებას ბუნებაზე, მისი მაღალი დანიშნულების გაგებას პირუტყვებთან შედარებით, მოკლეთ რომ ესთქვათ, პირველს კულტურულს მასწავლებას, როცა კაცმა დატოვა ბავშური უმანკოება, ბუნების შეილობა და ღმერთთან საუბარი (otton Pfeleiderer, genetisch spekulativ Religion—364—5). ეს აზრი კანტისგან ნასესხებია. პირველათ კანტმა აღიარა, რომ დაბადების მესამე თავში დახატულია სურათი გონების გამარჯვებისა. ცოდნის სურვილი და ნიჭი ჰქონდა კაცს და ავარჯიშებდა მას აღმოსაშენებით. როცა მოეზარდა და მოუშ-

წიფდა გონება, მან აღლოს აღარ დაუჯერა, თავისი მოთხოვნილებაც წამოაყენა, აქ გაჩნდა ენება, რომელმაც დასცა კაცი. ზნეობრივად ეს რეკრესია გონებრივად კი დიდა შროგრესია, ესაა რეფლექსი; ახლა კაცმა შესძლო მომავალზე ფიქრი (იხ. ეიხორნის Urgeschichte B. I, 424; შტრაუსის Dichristliche Glaublehre II, 27—34). ეიხორნი ასე ხატავს ამივე აზრს: ყოველი ბოროტება იქიდაბაა, რომ კაცს აქვს სურვილი უკეთესი გახდეს. ამას ძველი ხალხებიც გრძნობდნენ და აღიარებდნენ, ეს აზრი ზილაც ძველმა ბრძენმა ასე გამოხატა იმ დროის ენის საშუალებით: ადამიანი რომ აღარ დაჟვრდა თავის ქვეყნის, მაწაერს სახრდას, მინდამა ღმერთების საჭმელის გასანჯგა და ამით აიტეხა დიდა ჭირი და მომაკვდავი გახდა. (Urgesch. 634.) ტონკელი.

(შემდეგი იქნება).

აღრჩევითი უფლება და სამღვდლო კანდაღების კრიზისი იმერეთის ეპარქიაში.

განმათავისუფლებელ მოძრაობის ერთ ერთ უმთავრეს პრინციპს შეადგენდა მოთხოვნა ფართო აღრჩევით, წესების შემოღების სახელმწიფო მართვა გამგეობაში. რომელ მიტიგზედაც, რომელ კრებაზედაც უნდა დასწრებოდი, ყველგან გაისმოდა ერთი და იგივე ყბად აღებული აღრჩევითი უფლების განმარტება, მისი მიუცილებელი საჭიროება დღევანდელ ცხოვრებისათვის. აღრჩევითი წესის სიკეთეზე პრინციპიალურად არავინ წინააღმდეგი არ იქნება. რატომაც არ უნდა მქონდეს მე უფლება აღვირჩიო ჩემი მმართველი ან მცველი, რომელიც ჩემ ინტერესებს დაიცავს, რომელმაც ჩემი ყოფაცხოვრება იცის, ჩემი ავლადიდება აწონ-დაწონილი აქვს. რათ უნდა დავაყენოთ მკელი ცხვრების მწყესად, რომ თვით ცხვრებსაც არ დავეკითხოთ. ესე პრინციპიალურად რომ გავინჯოთ, აღრჩევითი უფლება არის ბუნებითი კუთვნილება ყოველი გონიერი არსებისა... მაგრამ პრაქტიკულად მისი განხორციელება, ე. ი. სრული და თავისუფალი

არჩევითი უფლებების გატარება ხალხში, ჯერ მაინც შეუძლებელია, როგორც ეს აშკარად დაგვანახა იმ პატარა „არჩევნულებმა“, რომელთაც ადგილი ჰქონდათ ჩვენ ცხოვრებაში ამ ორი სამი წლის განმავლობაში და რომელიც სწარმოებს დღეს სამღვდლო კანდიდატების აღრჩევის შესახებ.

ავიღოთ ჯერ მაგ. სასათათბირო, საღუმო წევრების არჩევნები. განა შეგვიძლია ვსთქვათ სინდის ქვეშ, რომ ეს არჩევნები თავისუფლად ხდებოდნენ? ან ფარული კენჭის ყრით სწარმოებდნენ? მგონი, ზარბაზანი არ ხმარებულა, თორემ სხვა ღონის ძიება არაფერი დაუკლიათ დაინტერესებულ პირებს, რომ თავის კანდიდატები გაეყვანათ. ფარული კენჭი კი არა კილაძის სტამბაში დაბეჭდილ კანდიდატების სიებს აჩრიდენ ხელში, გინდათ თუ არა, ესენი აიჩიეთო. ეს ძალმომრეობა არისო, იტყვიო. პროპაგანდა? პროპაგანდა თავის კანდიდატის გასაყვანად განა ისეთივე ძალმომრეობა არ არის, მხოლოდ ზნეობრივი? თუ აღმრჩევი თავისუფლად, თავის საჭიროების და მოთხოვნების მიხედვით უნდა იქცეოდეს, რაღას უქადაქებ ამა და ამ პარტიის, ამა და ამ მიმართულების, ამა და ამ სარწმუნოების, ან ურწმუნოების კანდიდატები აიჩიეთო? გამოდის საყოველთაო არჩევნები კი არა, ხალხის უფლება კი არა, არამედ არჩევნები პარტიისა, არჩევნები მცირე ჯგუფისა, უფლება პროპაგანდისტებისა. მოქმედებს ხალხის თავისუფალი ნება კი არა, ძალმომრეობა ფიზიკური, ზნეობრივი და ქონებრივი. ვინც მეტი ღონიერია, ვინც მეტ პროპაგანდას ეწევა, ვინც ქონებით მაღლა სდგას, ე. ი. ვისაც ფული ხელს უწყობს, რომ ფიზიკურად და ზნეობრივად პროპაგანდა გასწიოს, იგია გამარჯვებული ეხლანდელ ჩვენ არჩევნებში, მისია ბურთი და მოედანი. რაღა რჩება ხალხს, რომლისთვისაც ვითომდა ვიღვწით, რომელსაც ვითომდა მოკუპოვეთ ეს უფლება? საჯდომიდან ყუთამდის კენჭის მიტანა, ჩაგდება კი მისი საქმე არ არის ამას სხვა უხილავი ხელი ასრულებს.

ან კი, რომ ვსთქვათ, რა ნაირად უნდა აიჩიოს ხალხმა თავის წარმომადგენელი? არ-

ჩევანი რომ შეიძლო, უნდა იცოდნენ ასარჩევი საგნების ავ-კარგიანობა. რომ საუკეთესო გამოარჩიო რამოდენიმე კანდიდატთა შორის, უნდა იცნობდნენ ყველა კანდიდატებს ისე, როგორც თავის ხუთ თითს, უნდა მისხლობით გქონდნენ აწონილი თითეულის გონებრივ ბარგის სიმძიმე, თითეულის მიმართულების, მისწრაფების ავ-კარგიანობა, უნდა გათვალისწინებული გქონდნენ აგრეუვე შენი ყოფა-მდგომარეობა, შენი გონებრივი და ზნეობრივი მხარეები, რომ ან ზედმეტი, ან ნამეტანი ნაკლები არ შეიქნეს შენი არჩეული, რადგანაც ორივე უკიდურესობა ერთნაირად წაახდენს საქმეს. პირველი მით, რომ მოინდომებს ჯერ კიდევ უმრავლესობისათვის მიუწითომელს და თვალშეუღვამ საგნების განხორციელებას და ზედ შეაკლავს აურაცხელ ენერგიას, ხოლო სასურველს კი ვერ მიადწევს; მეორე მით, რომ უკან დაიწყებს ყურებას, ან ერთ წერტილზე შეჩერდება და არ მისცემს ნებას, ხალხმა შემოქმედებითი ძალა გამოიჩინოს ისტორიული თანდისთანობითი წინსვლა განაგრძოს და მთა საუკეთესო მომავალი შექმნას. სადაც ასეთი განვითარება არ არის, სადაც საარჩევნო კანდიდატების ავკარგიანობას ძალმომრეობა სწყვეტს, ძალმომრეობა, რაც უნდა კეთილშობილურ ტყავში სწარმოებდნენ იგი, იქ არასოდეს არ ითქმის, რომ არჩევნები წესიერად სწარმოებოსო, ასეთი არჩევნები თავის დღეში იმას ვერ მოგვეცემს, რისიც მოლოდინი გვაქვს, ან უკეთ ვსთქვათ, რაც საჭიროა დღევანდელი დღის მიხედვით. წარმოიდგინეთ პირველ დღეში და ან ყველა დღეებში მართო სოციალდემოკრატები აერჩიათ და მათი მომხრე მართებლობა ყოფილიყო. რას იზამდნენ იგინი? უთუოდ შეუდგებოდნენ თავის პროგრამის განხორციელებას. მერე რა მოხდებოდა? მოხდებოდა ის, რომ თითონ შეეშინდებოდათ თავის განხორციელებულ ოცნებისა ისე, როგორც უგნურ ცხენს შეეშინდა თავის განხორციელებულ ოცნება—აქლემისა, და გაიქცეოდნენ. და თუ არ გაიქცეოდნენ, კულტურულად მოუმზადებელი ხალხი გაიფლიტებოდა, ან გაეღეტა თავის აპეკუნებს

და იქამდე იბრძოლებდა, სანამ თავის ისტორიულ თანდისთანობით მიმდინარე კალაპოტში არ ჩადგებოდა. დამტკიცებულია და განმეორება საჭიროც აღარ არის, რომ ისტორიამ ნახტომი არ იცის, რომ ცხოვრება თანდისთან ვითარდება, რომ იგი ერთ მეტ ნაბიჯსაც ვერ წარსდგამს იმაზე წინ, რაც არ შეეფერება, რის წარდგმასაც დრო და ვარემოება ხელს არ უწყობს. მხოლოდ უზენაესს შეუძლია დაარღვიოს ასეთი კანონი საზოგადო განვითარებისა.

ამ ნაირად არჩევნებისათვის საჭიროა განვითარება, საჭიროა შეგნება, საჭიროა მიზნის ერთგვარობა აღმრჩეველთა და აღრჩეულთა შორის. თუ ასე არ არის, თუ მისაღწევი მიზანი, იდეალი მათ შორის ერთი არ არის, უთუოდ დაიბადება ორი მოპირდაპირე, შეურიგველი მოპირდაპირე ბანაკი მმართველებისა და სამმართველოსი, ე. ი. იგივე მართებლობა და ქვეშევრდომობა. პირველი ეცდება თავისი გაიყვანოს მიუხედავად ხალხის მისწრაფებისა, ხოლო ხალხი შეიქნება ფეხწამოსაკრავ ქვად, რომელსაც ვერ გადაახტება მართებლობა, კლდედ, რომელზედაც შეიმუხრება მისი ლიბერალური უკუმო მისწრაფებანი. საჭიროა ხალხი თვით თხოულობდეს ამა თუ იმ რეფორმას და მართებლობაც აკმაყოფილებდეს, სიგივე იქნება, რამოდენიმე ასი წინწასწრებული კაცის გემოზე მოიწყოს ქვეყნიერება და რამოდენიმე მილიონი ხალხი განსაცდელში ჩავარდეს. ათასი ძუძუ მწოვარი, რომ სარჩენი გვეყვანდეს, რა თქმა უნდა, ერთი კაცის გულისთვის მაგარ საქმლით კვებას ვერ დაეუწყებთ.

გვაპატივეთ, თუ ვცდებოდეთ, მაგრამ უნდა აღვიაროთ, რომ ახლო წასულმა არჩევნებმა ვერ გაამართლეს მოლოდინი, ვერ მისცეს ხალხს ნამდვილი თავდადებულნი მოღვაწენი. არც მაინც და მაინც ძველი არჩევნები გამოსულა უებარი წამალი საზოგადოების წყლულისა. ავიღოთ მაგ. ჩვენი ქუთაისის თვითმართველობა. რამდენი ხანია არჩევითი წესით ირჩევა ჩვენი ქალაქის მოღვაწენი და ერთი მი-

ჩვენეთ, რომელი ზეკაცი გამოიყვანა სამოქმედო ასპარეზზე ამ არჩევნებმა? ნეტარ ხსენებულნი ათიანი, ლოოუა და სხვანი რას წარმოადგენდენ? რა შესძინეს ქალაქს? გაიხედ-გამოახედეთ, დაუკვირდით ქუთაისის ს ნიტარულ მდგომარეობას, საზოგადოდ ცხოვრების პირობებს და თქვენ დარწმუნდებით, რომ მათ ადგილზე, რომ სხვები ყოფილიყვნენ, განათლებითაც უფრო დაბალ საფეხურზე მდგარნი, ქუთაისი არაფერს დაკარგავდა და იგივე იქნება, რაც დღეს არის. ახლანდელ ქალაქის მოღვაწეებზე ჩვენ არაფერს ვიტყვი, მათ ისტორია დააფასებს თავის დროზე.

ბანკის არჩევნები? ქუთაისის ბანკი მათი მეოხებით კინკრახზე მიმდგარი. სოფლის არჩევნები? მამასახლისი, სუდიები, ნაცვლები და სხვა და სხვა რას წარმოადგენენ? რომელ სოფელში რა გაკეთდა მათი მეოხებით? ს დ რა ჯილა დაადგეს მცხოვრებლებს. იქა აქ უვიც მეზობელ მამასახლისისგან გატყაულობა ხალხმანსწავლი მამასახლისების არჩევნები დაიწყო. ხშირად ჯამაგირაც უნიშნავდა, მაგრამ რა გამოვიდა? ის რომ მათ ჯიბა დაისქელეს და ხალხს აურაცხელი უნდრონიკა დაატყეს. არა, ჯერ არაფერი სიკეთე მოუტანია ჩვენთვის აღრჩევით წესს...

უკიდურესი.

დღეს ქალაქი (შემდეგი იქნება).

რედაქტორ-გამომცემელი
მღვდელი სიმონ მამელიძე.

გ ა ნ ც ხ ა დ ე ბ ა

პ რ ო გ ი მ ნ ა ზ ი ა

პირველი თებერვლიდგან ქალაქ ქუთაისში ქნ ე. მქედლიძის სახლ ებში (საბურთალო — კახაკოვის — შესახვევი № 17) გაიხ ნა კერძო ო ახლასიანი პროგიმნაზია, აქვე ამზადებენ მსურველთ სხვა და სხვა სასწავლებლისათვის და დებულობენ სარეპეტიციოდაც.